



Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

6. Dies Aprilis. Levis est malitia; sæpè mutatur non in meliùs, sed in aliud.
Seneca epist. 47.

Nutzungsbedingungen

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

cui rei sese affligerint, ejus protinus formam assumunt, & cultum. Expende nunc quibus obvoluta sit tenebris, quotque laboribus exposita rerum, præsertim Dei naturalis investigatio. Quanta Gentiles contentione laborârunt, ut rationem assequerentur in maligna luce discurrentem. Quàm rari eò sunt solo naturæ lumine progressi, ut scientiæ de Auctore naturæ particulam aliquam attingerent. Plurima sunt sensuum ludibria, vana est multorum experientia, usu ipso nonnulla creantur præjudicia, multa circumstant, quæ fucum faciunt. Nos interim Appetitus nostros audimus ut Oracula: cum tamen nihil nobis suggerant nisi mendacia. Qui audit adulatores, quorum unum est studium placere hominibus, plurimam falsam opus est credere: sic qui passim audit blandientem sibi suum amorem, passim decipietur. Radix unde pullulat, omnis hæc in rebus gravissimis deceptio, est mentis inconsideratio. Nemo prope est inter omnes, qui quid egerit, respicit, quid agat, aspicit, quid acturus sit, prospicit. Igitur audi malè consulte egregium tibi consultorem.

Rem præcedentem videas, & terne sequentem.

6. DIES APRILIS.

Levis est malitia; sæpè mutatur non in melius, sed in aliud. *Seneca epist. 47.*

Inconstantia. 1.

Inconstantia, quæ est tertius ejusdem ordinis defectus, dedit cassationem à recto judicio semel suscepto, quod continuatum oportuerat,

Aprilis.

Tessera.

259

tuerat, & alterius, saltem practicè falsi, subinductionem. Alioquin si de eo, ad quemcunque reflatum dimoveamur, & velut arundines vento quocunque agitari consilia sustinemus, malè in consultandâ, & investigandâ veritate locatus erit labor. Uti levis est malitia: sic & levissimi sunt mali, ut qui desultoria levitate mutantur rarò in meliùs, sæpè in deteriùs, plerumque in aliud, quia semper ab iis qui fuerunt, sunt alii. Nihil est humana voluntate mutabilius, nihil quod in bono fluctuet magis, coloremque, & naturam sæpiùs mutet. Nec Chamæleon de corio suo ita ludit, ut de moribus homo: neque aër, elataeque nubes tot sumunt effigies diversarum rerum, quàm ille diversitatem affectuum. Unum Proteum excogitare fabulæ, in genere illo famosum: nos infinitos propè videmus Proteos, de quibus quid paulò post futuri sint, nemo liquidè pronuntiare, ac ne ipsi quidem posse videntur, cum mutatio in Euripo jactentur. Qui heri ex adamante factus videbatur, Martio pectore, magnanimus Heros, hodie est omni muliere imbecillior, fractus in libidinem, deliciarum cupediis effæminatè mollitus.

II. Quæ major inconstantis animi levitas excogitari potest, quàm cum modò cum Deo pepigen & de Divinis legibus observandis, post paulò tui degener, oblitusque Dei, in vitium ruas, & infanda voluntate pium Numen violes? sic consistere in gradu honesti, & innocentiae, non dico ad annum, sed mentem, sed unum diem non possis. Annon hoc ipsum indicat, hominum mentem omni pinnaventorum indice leviolem, propè ipsis auris mobiliolem esse; Propone tibi hominem aliquem,

R 2

qui

qui tibi amicam hodie explicat frontem, cras aver-
sam à te contrahet: manè lachrymis madebat, vespere
risu dissolvitur: horæ intervallum est inter amo-
rem Oresteum, & Vatinianum odium. Sunt non
pauci illius indolis homines, qui ab animi mobilitate
toties, quoties horologium sonat, aut potius ventus,
nunc in bonum, nunc in malum deflectunt. Homi-
nes diarii, imò horarii. Unica lectio, sæpè legentis est
mutatio, sæpissimè perditio. Verbum lascivitis, con-
tuitus cupidior, societas nequior, illos in transver-
sum agit: uno eodemquæ die est Angelus, & dæmon:
Nero, & Plato: leo, & lepus: aquila, & noctua. Sic
ut nihil sit in homine, nisi perennis quædam, ac reci-
proca animi agitatio, & circumrotatio. & fluctuatio:
quasi omnes Ixionia in rota pendulos videremus,
continua vertigine vagos, nunc imos, nunc subito
deinde altos: uno verbo, semper mutabiles.

III. Hinc in nos quadrat illud Regii Vatis: (a) *As-
cendunt usque ad calos, & descendunt usque ad abyssos.*
Vita nostra nihil est aliud nisi ascensus, & descensus;
& continua mutatio ab innocentia, ad malitiam, à
libidine ad continentiam, à prudentia, ad stultitiam,
à summis cæli, ad ima terræ. Ut igitur semper inter
dissimilia sis tui similis, ut in eodem immobilis con-
sistas statu, persistas gradu; Deo, ut basi nitere, qui
est ipsa immutabilitas. Fultus hac firmitate, non eris
infirmus. Affixus uni Deo, semper eris unus, nun-
quam alius, nunquam non idem. (b) *Qui adhaere
creaturæ, cadet cum labili.* Creatura omnis obnoxia
est casibus, cum illis, eris caducus, sustentare te non
potest, quæ ipsa nequit stare, utpote in casum non
inodi

(a) *Psa. 106. 26.* (b) *Tho. à Kemp.*

Aprilis.

Tessera.

261

modò prona , sed præceps : itaque laberis cum labente, deficies cum deficiente, peribis cum pereunte. Quod si Deo adhærescas, non vivendo nisi in illo, in quo, & per quem omnes vivunt; propter illum, evades immobilis, velut Acroceraunia rupes, quæ mole sua stat. Sine Deo ruunt Gigantes, qui ut Ahenei montes videbantur, nullis machinis movendi: sine illo omnis nostra contentio in medio cursu frangitur. Ille, qui in se immobilis, dat cuncta moveri; dat & cuncta instabilia stare. Sine illo ergo nulla constat constantia. Illius enim (si Poetæ credis,)

Virtutis munus prestare potest, Deus unus.

7. DIES APRILIS.

Remittere animum, quasi amittere est.

Musonius.

Negligentia. I. **I**Nter Imprudentiæ vitia, non est ultimum, Negligentia, quæ cum animum operantem ad ferias cogit, & remittit; perinde est, quasi amitteret. Hæc disconvenit cum præcipatione, & Inconsideratione, quod illa duntaxat sit circa Consultationem, cum impetu susceptam; hæc verò circa solum iudicium de re aliqua oscitanter, & leviter obitum: Negligentia autem sit torpor voluntatis refugientis laborem suscipiendum, in vestiganda latente veritate agibilium. Quod dixit Hyginus de somno; nimirum ex Nocte, & Erebo satum esse; id æquius de Negligentia, & Torpore dixeris. Fætus gemelli

R 3

sunt